

Rodenēškas mēnetiūras

Ka bus pasaulis viel sotemēs –
Paduovanuok mon spalvū puokštē.
Nesvarbē – nu dongaus a žemēs.
Tēp rodenēškā kažkuo truokšto.

Patēkiejau mintis rodēns tīla,
Beržou, katras vērp no viejē.
Patēkiejau ēr nenusivīliu –
Ons mon sava skausma ēštīliejē...

Spalvū sēmpuonijuo šuok valsa
Rodenēis gēluos paragavē
Tēi klevā... Bet, veiziek, paēlsa
Ēr apdarūs soklopa sava.

Viel lītos līn,
Viel sapnā pēlkē
Ēšbieg mēgluotas kelēs mintiū.
Viel lītos līn
Ēr nieka nebier,
Kon apē anou nebatmintiūo...

Sošalē lapā šnar po kuojuom
Ēr lēipsnuom dongos deg.
Vēinatve savēm paaukuojau –
Neteiravās a rēk...

O paukštiu skunds
Padongiem sklaiduos,
Jau ēšskrend anēi
Ēš gēmtēnēs.
Ē šērdi smelkas klīksma aids,
Līg anus būtiuo
Aš ēšgēnus...